

Band X., Nr. 4822, Seite 466-467

*Hermann Ackergang von Wurmlingen verzichtet gegenüber Kloster
Kreuzlingen auf alle Rechte an die Lehen, die sein Vater vom Kloster
gehabt hat.*

Rottenburg, 1296. März 16.

Allen den die disen gegenwürtigen brief ane sehent alder hörent lesen, künd ich Herman Akkergank von Wurmelingen, daz ich lediger ungebunden und unevangen an offener lantstraze mich enzech und enzigen han an min selbez und an aller miner kinde stat in hern Cünrates hant Mördelinz ainez priesterz von dem convente von Crúzelingen an des abtes und dez conventez stat von dem vor genanten gotzhuse ze Crúzelingen allez des rehtez und aller der ansprache, so ich hette alder gehan mohte gen dem vor gesprochenen gotzhuse umbe dú lehen dú min vatter sálige von in hette alder umb ánderú dinch swie dú genemmet sint und öch umb dez Clainzelerz lehen, und han des gesworn unbetwungenlich ze den hailigen, daz ich daz vor genante gotzhuz mit worten mit werchen mit helfe noch mit rate niemer hinnan für beswäre an ir lúten und an ir gütern umbe die vor gesprochenen ansprache, und hab inen dar úber ze búrgen gegeben: Stainmarn von Rotenburch, Cünrat Blánkelin, Hainrich Akkergank, Albreht Wádellin und Cünrat Raizelin, daz die fúnfe, ob ich iemer die vor genanten gelúbde zerbráche alder zerbriche, alz ich gesworn han, mich dar nach dem vor genanten . . abbet und dem convente inrunt ainem manode, swenne si von in ermant werdent, ántwürten sont gevangen in den turn ze Rotenburch, ob ez Hainrich den amman von Rotenburch, Hainrich sinen sun und Hainrich den maier von Wurmelingen ald den meren tail under den drin gefúge dunket, wan si ze hüttern úber die sache und úber die unzuht genomen sint. Und ist daz die vor genanten fúnfe mich inen danne niht ántwürtin, alz da vor geschriben stat, so hant si gesworn ze den heiligen, daz si dem vor genanten gotzhuse von Crúzelingen denne gebunden sigen sehzeg phunde Haller múnze ze gebenne und sont sich denne uf den selben ait alle fúnfe ántwürten ze rechter giselschefte in die stat ze Ehingen under Rotenburch an ainen offenen wirt und sont dannan niemer komen, e si dem vor genanten gotzhuse die vor genanten phenninge verrihtent. Wir die vor genanten búrgen alle fúnfe verjehen offenlich an disem briefe, daz wir gesworn haben státe ze habenne allez daz von únz da vor geschriben stat und daz ez wár sige und státe belibe alles daz da vor gesprochen ist, dar umbe so geben wir der vor genant Herman Akkergank und die fúnf búrgen dem vor genanten . . abbet und dem convente disen gegenwürtigen brief

II

besigelt mit der beschaidenen lúte insigel der búrger von Rotenburch. Wir die vor genanten burger von Rotenburch geben únser státez insigel an disen brief durch der vor genanten Hermanz und der búrgeron bette z ainem waren urkúnde.

Diz geschach ze Rotenburch in der stat, da ze gegen waren: her Hainrich der lúpriester von Súlchen, Hainrich der amman, Hainrich sin sune, Dietrich der Mårehelt, . . der Árzinger, Engelhart der Staheller, Lútfrid der Bohseler, Engelfrit, Cúnrat der Staheler, Landolt Zange, Marquart von Horwe, . . der Öwer, Úl. der Vogel und Albreht der Hút, dar zú ander erebåre lúte die ez sahen und horten, und wart dierre brief gegeben in dem jare, do man von gottes gebúrte zalte zwelf hundert jare núnzeg jare und dar nach in dem sehzten jare, an dem nâhsten fritage vor balmen.

—

Textabdruck folgt dem Original.

Siegel rund, 60 mm., geteilter Schild, im Siegelfeld darüber eine liegende Kornähre, rechts und links ein Stern; Umschrift: + . S . CIVIVM . IN . ROTENBVRC.

Überlieferung und Publikationen

Lagerort:

StA Thurgau

Signatur/Titel des Originals:

7'32 (Kreuzlingen, Stiftsarchiv) (Lade 153, Nr. 11)

Regesten:

Pupikofer: Regesten Stift Kreuzlingen, n. 113.

Weitere Angaben

Beschreibstoff:

Pergament

Sprache:

Deutsch

Ausstellungsort:

Rottenburg

Ortsindex:

Ehingen, Rottenburg am Neckar, Tü, A

Horb am Neckar Wohnplatz (7484)

Horb am Neckar, FDS

Kreuzlingen, Kt. Thurgau, Schweiz

Rottenburg am Neckar Wohnplatz (16185)

Rottenburg am Neckar, Tü

Sülchen Wohnplatz (16189)

Sülchen, Rottenburg am Neckar, Tü

Wurmlingen Wohnplatz (16193)

Wurmlingen, Rottenburg am Neckar, Tü